



ASPETTA MI

Ind'è l'incritta scura
D'u nostru amor' à stonde
Ti feghju suminà
A to bram' in la meia

À e to labbre mele
Cum'è sborru di lume
À rent' à i sussuri
Di prumaticcia chjama

Ci cogliu l'ansciu tepidu
E ci godu l'eternu
Quand'à u mo corpu conca
Ci reghje u to corpu

Aspetta mi
In u basgiu ch'ò ti deraghju
Arrubatu à u tempu
D'un sognu ardente
Aspetta mi

Veni ci à u mo pettu
È sfid' ogni frontiera
A luna à l'affaccà
Batte cù l'onda viva

Si cincin' è pò chjina
I so raggi di brusta
Pè u mughju d'a notte
À l'ultimu silenziu

Aspetta m'in l'abbracciu
Ch'eo ti deraghju

Da a to voce sola
Ch'ò mi lasci purtà

Aspetta mi
In u basgiu ch'ò ti deraghju
Arrubatu à u tempu
D'un sognu ardente
Aspetta mi

Ti vogliu à core scioltu
Ti vogliu à vita persa

Aspetta mi
In u basgiu ch'ò ti deraghju
Arrubatu à u tempu
D'un sognu ardente
Aspetta mi

Dans le secret mystère
Des moments d'étreinte
Je te regarde joindre
ton désir au mien

Sur tes lèvres le miel
Regorge de lumière
Comme un appel avide
À l'orée des soupirs

J'y recueille ton souffle
Pour y jouir sans fin
Lorsque mon ventre s'offre
À ton corps alangui

Attends-moi
A l'heure du baiser que je te donnerai
Dérobé au temps
D'un rêve passionné
Attends-moi

Viens à ma gorge
Défie chaque interdit
La lune qui paraît danse
Au rythme de l'onde

Elle roule et répand
De ses rayons la braise
Sur le cri de la nuit
Au dernier des silences

Attends-moi
À l'heure de l'étreinte

Afin que par ta voix seule
Je me laisse emporter

Attends-moi
A l'heure du baiser que je te donnerai
Dérobé au temps
D'un rêve passionné
Attends-moi

Je te veux au grand jour
Je te veux à cœur perdu

Attends-moi
A l'heure du baiser que je te donnerai
Dérobé au temps
D'un rêve passionné
Attends-moi